



Asunto: Características EPIs COVID19

A Sección Sindical da CIG-Saúde do HULA vén observando o tipo de material que se está a usar como Equipo de Protección Individual na atención aos doentes, no caso de sospeita ou certeza de que sufren o coronavirus SARS-CoV-2, constatamos que algún destes EPIs non cumpre cos requisitos esixidos e publicados polo Instituto Nacional de Seguridad y Salud en el Trabajo (INNST) no seu documento Prevención de Riesgos Laborales vs. COVID-19. Dito protocolo, versión de data 29 de marzo de 2020 recolle:

"Requisitos y características de la ropa de protección.

La ropa de protección frente a agentes biológicos como Equipo de Protección individual (EPI), debe cumplir con el reglamento (UE) 2016/425 del Parlamento Europeo y del Consejo, de 9 de marzo de 2016, relativo a los equipos de protección individual, lo que queda evidenciado por el correspondiente marcado CE de conformidad. La ropa que protege frente a agentes biológicos nocivos es categoría III. En línea con lo anterior, este tipo de EPI (ropa de protección frente a agentes biológicos debe cumplir con la norma UNE-EN 14126 que contempla ensayos específicos de resistencia a la penetración de microorganismos."

Así mesmo, o documento publicado pola Consellería de Sanidade de data 31 de marzo de 2020, versión 03 que se denomina Plan Específico para a Prevención de Riscos ante a exposición laboral ao novo coronavirus (SARS-CoV-2), e que ten como Obxecto e Alcance a protección do persoal das institucións sanitarias do Servizo Galego de Saúde, recolle na mesma liña que o anterior a necesidade de roupa de protección fronte a axentes biolóxicos (EN 14126) e só en caso de non dispoñibilidade da mesma poderase utilizar roupa de protección química (EN 13034 y EN 14605), indicando que será de aplicación en tódalas áreas sanitarias, procedendo á súa adaptación e implantación con carácter inmediato.

Queremos reseñar que o devandito documento fai referencia inequívoca a que estas medidas preventivas se enmarcan no Real Decreto 664/1997, do 12 de maio, sobre a protección dos traballadores contra os riscos relacionados coa exposición a axentes biolóxicos durante o traballo.

A CIG-Saúde pide que se cumpra estritamente o esixido nos mencionados documentos de modo que quede claro que unha bata impermeable non é equiparable a unha bata de protección fronte a riscos biolóxicos.

O material ao que tivo acceso a CIG e que se está usando nas distintas unidades nas que se atende a este tipo de doentes só cumpre, no mellor dos casos, a característica de impermeabilidade.

Sección Sindical CIG-Saúde

Lugo a 3 de abril de 2020

